

福清縣志卷九

藝文類

夫文者豈非經世之鴻寶哉章往詔來闡幽紀著卑詞可羅萬象片語足亘千秋然式如金玉倚相尙能考于索丘而禮若夏殷仲尼卒莫徵于杞宋文之不可已也如是夫福清舊志所錄文詩固多余取其禪典故關教化者重輯于篇爲藝文類第九至第十

序記文

福清圖經總敘

宋林栗

少師謚簡肅

福清縣志

卷九

州之東南可以宿春而至其初曰萬安縣乃唐聖曆二年折長樂萬安鄉爲之距今四百七十有年矣天寶元年改曰福唐黃巢之亂版宇分裂王氏據有此土嘗改爲永昌矣是歲梁開平二年也後唐同光中復爲福唐長興四年始更今名蓋二百四十有三矣晉開運三年即南唐之保泰四年也王氏且滅遂以此土屬之南唐而州將李仁達疑不就徵以歸吳越錢氏建隆初始再開闢錢氏受正朔奉職貢趨朝會不失藩臣之禮至太平興國三年始于所領十三州入職方氏而此縣乃得爲天子之土民爲天子





之人也縣之主山自石尤發源東南行爲仙人巖爲百一嶺爲雲際山又折而少西爲關嶺爲地藏山爲石井爲鷲峰千旗萬馬奔軼而前乃爲縣治其狀隱隱隆隆如珠走盤挾以東西二阜前對玉融峰環揖諸山豪雋秀媚可喜可愕合西北諸溪之流出于縣右橫貫其前以入于海海之潮汐日再至焉跨以虹梁傑爲東南一偉觀縣之譙樓處高而臨下重門修廡喬木蒼然丞簿尉廳列其左右望之巍然如大邦君之居旁近諸侯過之徃徃自謂不及可謂壯哉縣矣縣北邊大海西接永福游洋南走莆田北走

趨府者道其縣二凡通涂四而支徑不與焉石尤嶺其一也石尤正北其半爲長樂縣少西爲白鹿嶺又少西爲螺嶺爲常思嶺三嶺之半皆爲閩縣而常思嶺則南北驛路之所標幟也所隸鎮一曰海口寨三曰松林蘇澳南匿驛二曰漁溪太平舖五曰蒜嶺假面石埭其二則並驛而置者其里七鄉三十有六僧寺道觀一百九十有六民戶四萬七千有奇比間垂蒞絃誦之聲藹如也三歲大比試于有司者殆二千人登科之盛至一歲而十人者他郡之數不逮是知縣事東陽范公旣視事問山川所從出人物



氏族所自來告之不能十之一二慨然曰縣如是顧無庸  
牒以貽來者獨非闕歟暇日過里居奉常林君求士大夫  
之可語者公以予對乃因諸生之請館學可林君于學舍  
屬以茲事學可謝曰予寓旁郡歲久足跡所歷未能遍于  
邑境况耳目所不到處安得無脫略抵牾耶公口姑試爲  
之倘有關遺後來子雲宜任其責圖成余不揣謹論次而  
爲之總敘云爾

福清辨

明郭萬程

嘉靖乙未進士

唐聖曆二年割長樂縣南八鄉置萬安縣因鄉而名也天

福清縣志

卷九

三

寶元年曰福唐元和三年省長樂以人五年復置之自此  
二縣定矣梁開平二年曰永昌唐同光元年曰福唐閩龍  
啓元年曰福清以山自永福里水自清源里會于治所而  
名也宋太平興國四年割清源半爲三里附立興化縣以  
屬太平軍非併縣以從也自此二縣定矣元元貞二年以  
戶四萬升州明洪武二年復爲縣而封疆如故淳熙三山  
志及舊莆志可按焉弘治莆人作通志志郡縣者因之則  
惑矣其二云舊治永慶今之永東里晉天福初徙南臺今之  
臺嶺也宋初屬興化軍尋復歸福州又曰永福縣名在福



清後舊記引永福者訛不知於其縣何與焉臺嶺去半舍而無古縣跡永慶分二里治寔居其西縣志求之東不得以南臺嘉澤廟當之惟三山志以改南臺無攷號屢易而治不改焉郡志言三年屬太平軍軍是年未置又以八年歸福州未屬其奚以歸哉惟三山志自改福清後而不載沿革則未嘗屬興化可知也以幅員考之東北薛田嶺下有宋松巡檢界于長樂千零里元廢而今再置則因屬長樂焉其里有鍾門廢驛初以近鍾門寨設也寨福清之島通志又爲長樂山譌矣西南江口橋石踞其中以界南大

福清縣志

卷九

四

門九者莆北小門十六者元州官屢繕之有記又北漆林以唐翁承贊所居名鄉曰文秀而里曰光賢其子正度世居而乾度徙莆人屬二縣地未嘗易也莆記科名因附之耳三山科名志皆正度之後莆因以槩稱雖賢者不免焉林光朝圖經序以漆林爲莆劉克莊稱林公遇以爲蒜嶺北鉅人則是以南爲莆皆未詳考其故矣母論初未之割卽如所云尋歸福州豈其後割而不書乎南匿里者彼此皆有之彼屬感德鄉近于壺公山此隔海島中屬萬安鄉內移初移水寨後移于其新安里今彼匿爲力而此亦爲



日寨以日稱因其故也凡漁業仍在屬福清河泊所故舊  
莆志不載弘治乃載爲奉國里海中嗟夫其失考亦甚矣  
虞芮讓田之風旣遠吳楚爭桑之釁遂興敢述所聞豈好  
辯哉若福唐者舊縣名也上不附郡郭而郡以通稱下里  
亦稱之曷嘗附于縣郭苟弗考其異制則爲惑不亦甚乎

### 重建福清邑堂記

明王一言

嘉靖乙未進士

福清爲邑雖舊其爲今名則始于後唐長興癸巳其堂今  
址則元大德巳亥重建也嘉靖戊午燬于倭越丙寅春南  
粵葉侯蒞治期年丁卯爲隆慶改元于時兵靖歲稔民堵

### 福清縣志

卷九

五

漸興侯曰治民事神國之大事章備物采業已新諸學宮  
廟貌而公堂蒞民闕焉未復非所以樹表儀而肅政體也  
乃測堂址爲戊子中鉞實空亡之位堪輿家弗吉于是陟  
鷲峰之巔而景之厥岡艮亥自泉逝卯爰用丙鉞嚮丁而  
位則枕鷲峰而案玉融矣蓋玉融爲邑鎮名山有孤峰萬  
仞形勢竒絕之勝稽志卽宋熙寧舊址也作而曰復古建  
治所以庇民位署咸稱允宜興作乃請于御史大夫涂公  
御史王公槩諸司曰可愛發帑金以佐焉而邑之父老咸  
率子弟以趨役侯命諸屬之彥者而贊襄以視之惟勤惟



慎惟侯之心以六月八日平焦土而堂之爰及寢宇譙麗  
吏舍坊屏翼然僉新闢兩旁各三丈築引道作東西行其  
賓主等級偉然大觀視昔之宏壯不啻倍之矣余惟函之  
雅相陰陽觀流泉陟降岡原無非爲民計也邑之人物最  
盛于宣和淳熙之間以道學顯者五人以文章顯者三十  
餘人以忠孝節義隱逸顯者二十餘人以布衣召對上殿  
者二人他如宰執科目之盛神童技藝之流不能一二數  
議者謂表中立極百里之所合氣聯命者向背陰陽之得  
失而氣隨應之和氣成象故至人出焉若夫營卜之則存

福清縣志

卷九

六

乎其人耳侯之先大夫曾視篆于茲雅有善政且習堪輿  
家言每低徊玉融間侯時以弁髦而識之乃今官茲地而  
克成先志卜吉得宋故址卽毅然思復當兵燹之後百費  
惟艱而廉以約物敏以敷猷其夙夜執掌多方緝助雖拮  
据之勞不烈於此矣故民力競勸若罔聞勞不四月而告  
成以復五百年之盛矣父老扶筇往觀嘖嘖而歎曰此童  
時習聞宋之威儀若此也邑人大悅而白余記之噫嘻侯  
自蒞政正已率下杜請謁清卒吏省徭役平獄訟撫瘡痍  
矜寡弱崇禮教勵諂俗遐陬窮閭無不樂業陂塘樓榭百



廢具舉其所以保民者至矣而茲役之興尤其善政之大者爾侯先大夫名春芳由選貢爲古田丞侯名夢熊字兆男龍塘其別號也以乙丑進士任惠州歸善人

### 好我堂記

明鄔元會

邑令由進士奉化人

政事堂不可以見薦紳先生邑必置有禮賓館獨福唐闕焉有幸臨况則列座土地祠或曰邑治草創島寇之餘規備未遑迤沿舊以俟來者予惟於明神棲弗妥也於賓至弗肅也且是邦簪裾林立令得朝暮繼見其與神久爭此咫尺乎迺即大門東隙地命工構數椽闢堂方丈餘庭除

福清縣志

卷九

七

簷楹取成揖讓畚土爲環垣墁堊之或施繪焉益制不斲宏材不斲鉅物力無甚繁比諸曩者亦差可肅嘉賓矣遂顏其楹曰好我而請于辱臨諸君子曰賤令不德靡足當諸君子好然而諸君子此邦之傑也令無慕頑黠獷悍隸人好能無慕諸君子善者好耶夫好我者示我也令旦晝公庭步趨唯諾羣而矇瞶我幽隱小民罕能自達令又罔獲時時卑車陌落勞聞隱狀唯是沿革便宜悲愉喜疾諸君子實身其中焉如觀火矣諸君子不鄙棄令歲時伏臘駢然枉車騎令於諸君子譬諸草木猶臭味也其庶幾惠



而好我乎今所不傾心於抱嬰拔薤造是邦無疆之福者  
有如皦日若夫美疢之好則諸君子不好矣是役也經始  
于壬寅春首落成于暮春之三月實予蒞任之六閱月也  
爰書其事而爲之記

福清宋元儒學志

郭萬程

嘉靖乙未進士

儒學舊在宋西成門儒學坊外時先聖像寓于三禮堂也  
前爲西溪奉禮郎林仲雅子孫高槩希旦邵顏開斐登第  
故爲儒學林氏其盛在嘉祐間是時登第者游冠卿爲本  
路提舉輸地爲廟乃移邑治之左元豐元年以其庫隘未

福清縣志

卷九

八

稱廣之爲學宮及經史閣元祐七年令方叔完又廣而新  
之東西十二丈立三齋于閣前曰親仁曰體人曰武士又  
立小學于南隅至崇寧初官舍四十八區殿宇弘敞庭廡  
軒翼兩廊各百三楹益遵道堂五間于殿後宣和始祀鄭  
俠立先賢祠于學後乾道二年令孫致丞林枏新小學四  
年後令劉敦立四齋于遵道堂前曰持志曰博約曰立愛  
曰時中重立經史閣購錢塘書籍儲之立文會堂于三齋  
前昔鄭士宗所輸地也下列直舍直學位在大成門左卽  
主學廳舊小學地也學賓位在右學諭教諭在門內東西



其後又設東西學正學錄各一位從祀有堂祭器有庫但學門庫隘西向而縈于民居其額蔡京所書至是揭張九齡以易之淳熙二年門及民居灾令范處義與民兩易大門坦出旌馬諸峰排闥而入士民大悅邑人少卿林栗記之三年改學右坊曰東學學門坊曰由正而取廟學共由正路之義也又易縣左塘東民田鑿而橫門爲大洋立采芹亭三間于上七年令張居易重繕垣墻立登龍亭于大成門外而爲獻官更衣所慶元四年後令林孔昭新小學廣五丈七尺深二丈二尺嘉定元年令朱元慶亭于廟學

福清縣志

卷九

九

前初名浴沂而改綠光焉端平二年後令丁植于東隅立隆儒坊淳祐九年令方棫立先聖像範錫爲祭器貯大成門內之右井涵庖溷咸具于門外左賓客有位于文會堂右學舍在學諭右側廢綠光亭以立武傷也元至元三十年尹曹璉像七十二賢于殿下左右元貞元年升爲州學廉訪使程文海書額副使商晦立之大德三年知州母逢辰卽經史閣址創堂二左曰道立右曰帥正遂以爲齋及立學宮房舍于東偏皇慶元年減宋及大德齋爲六延祐四年知州潘允遷從祀于兩廡五年州判乃麻互以殿前



庭狹移大成門于南內立肅容聚敬亭于左右泰定四年知州賈思恭新兩廊其規制亦備矣但禮右廟左學茲殿于堂前堂崇殿三尺諸生列舍居兩廡從祀上而類梵宇之制焉至正九年知州林泉生復學之東塘十一年乃構講堂于殿左東西有序東爲正蒙齋西爲進德齋南甃小泮立麗澤亭于石梁而咏歸亭當東齋後興文祠在層舍對列其前當舊庖湏井北樹塞門直門爲大小學內向明事師者北面也折而西則學門由堂及門屋七十五間堂後爲夏屋殿廡東南爲教官廡宇初襍處大成門內外遵

福清縣志

卷九

十

道文會堂左右至是有定職矣訓導廳宇一在東齋下一在講堂左文昌祠先賢祠俱堂後倉于先賢祠後射圃又其後也殿因北麓而崇其基楹以巨石爲屋四雷深如其廣四阿爲連廡兩間周殿以遵古制其雄邃甲諸邑未偪功而去十二年知州申國輔復新兩廊及從祀像作戟門五間于殿南神庫在其東神厨養牲所列于大小學南戟門之前爲櫺星門三間外爲文廟門門內折而東入學學不南門爲迎西山川之秀也次年泉生以兵來觀厥成而記之其三禮堂時爲三皇廟矣



福清改作學門記

宋林

栗

少師 簡肅 謹

福清爲縣始唐慶曆距今四百八十年其定著今名自後唐長興蓋二百四十餘年矣其官府據高臨下巍然雄觀而養士之宮亦號爲宏麗非他邑比縣之東西衢相直而其東偏礙以民廬委蛇于墻角者不知其幾年也廟學之前亦爲民廬所蔽雖群山競秀拱揖迴環而不得見焉故爲士者病之百十年間縣大人與縉紳逢掖屢欲改爲而弗克如志淳熙改元金華范公始至謁奠先聖顧其道徑縈回閉闌庫隘進諸生而議焉乃撤旁小屋而高大之士

福清縣志

卷九

十一

固已翕然嚮服謂前乎是未有其舉之者明年冬十月居者不戒于火燎于東陬當閭井之鞠暴風乘之瞬息而至麗譙之下公徒步而出取縣榜投諸烈焰亟拜而禱焉風反火熄明日視之撤與燼者凡有十人家皆官道學門之衝也非道所宜趨與門所當出者一不及焉士乃相率諸公而請面垣而居者易門南向當廟而宅者東西其戶各適其便咸欣欣然公仁人也視民之災如已傷之矜其暴露振其乏困撫摩瘡痍民是以聽乃作臺門以嚴先聖之宮立坊門以肅多士之集乃闢方塘以復泮水之制過而



瞻之矍如趨而進之翼如回而望之豁如立而挹之灑如也左有峰如半月其名曰玉融右有峰如卓筆其名曰雙旌排闥而入無少匿焉浮圖屹其東長虹亘其西溪潮吞吐于其前岡巒起伏于其後縣之形勝萃于是矣夫山川之靈五行之氣鍾于人爲秀傑聚于物爲神竒若其蓄洩向背能爲窮通顯晦之符古之道術有在于是者常與盈譏損益之理不謀而合今天人相與轉災爲祥弼縣以來祀將五百名世之產倘有其人則公有賜如此邦爲不可忘矣先是縣榜唐太子中舍沈文旭書其後屢易而化灰

福清縣志

卷九

十二

燼者不知其幾獨故榜存焉乃揭諸譙門而對峙二坊曰東學朝夕教養之所卽也曰西壇春秋祈報之所趨也而學門之榜曰由正所以示藏脩之士由是路而出入是門者莫不一歸于正也道也學之師長暨于諸生德公之賜服公之誨來謁記文公名處義字子由其丞李克仁玉簿鄭公敏尉應振皆吉士也是役也經營勸相勤而不擾以迄于成是宜特書時淳熙三年丙申一日記

重修福清縣儒學記

明葉向高

福清儒學舊在宋西城門儒學坊外嘉祐間邑人游冠卿



提舉本路輸地爲廟乃移邑治之左元豐廣爲學宮其後  
代有損益故籍可攷已至閩嘉靖戊午倭戕邑學燼焉後  
稍建廟及堂餘以時詘闕如也歲壬申邑令南陵許公爲  
學舍數十楹于堂之東偏集諸生絃誦其中公去而弛業  
稍復頽圯博士龍溪蔡君以孝廉來奉職令則嶺南歐陽  
侯相顧咨差謂融實閩中鉅邑才賢蔚起而學宮顧簡闕  
不稱無以觀四方吏職之謂何相與謀從事而難其費令  
曰帑有金可發吾牘而請之然懼弗給也博士曰公先之  
士民有繼者矣乃以所請六十金始事建東西兩齋諸生

幸母兩立隨念啓聖祠及肅皇帝御製敬一箴亭居學宮  
之後湮沒榛蕪莫跡其地乃移祠于堂之左掖而亭其前  
壘土爲基爽塏煥奕傍官地數武故沒于豪奪而歸之庠  
濬溝以疏流潦伐石爲周垣水不能嚙又垣而橫于大洋  
之前望之若屏觀視大肅工業有緒乃稍理兩博士舍曰  
胡爲以弟子師而居同儕庶哉然而所請金不足當役之  
半自令而下各有捐邦人亦稍稍相勸輸爲繕費諸廢一  
新旣竣役邑諸生某某輩請余爲記余自籍青衿而游于  
斯狎狃官墻穆然深念乃今二十年來而覩有茲舉也令



尹博士之功于此邦爲烈矣昔在草昧閩號閩芻職方之籍不比于中土觀察肇興文教乃闡引于今茲愈熾愈章跡徃而譚昌明之運啓于一方亦有其時融自往代彬彬稱隆入明而南宮之舉與公車之上纍纍如貫較閩初造不啻昏旦乃求勲名昭揭齊軌前鑣與海內競爽學宮之掌故具在亦邦人士所扼腕也山川之氣不盡于宣洩則將有所儲以鍾其靈淑今融士日盛于閩爲前茅矣令尹博士順風而呼視觀察難易倍蓰無算融士修故業而光大之值熙洽而贊休明事半功倍在此時也有啓而興有

福清縣志

卷九

十四

兆而合良非偶矣或者謂閩實多賢乃其爲閩重則建溪諸儒明興而俎豆者四閩無與焉視徃昔替矣重閩在士何可以不勉旃以余所聞建溪之業肇自道南同時及門寔推信伯王蘋固融產也建溪引濛而中天故于今昭爍信伯再傳而亦之又再傳而希逸晨星沒矣源流正學遡于前修閩自建溪外宜莫先融紹明久晦之緒以有辭來許亦在此時也夫修業有方而遵道有儀固國家建學造士之意余是以並及之以俟游茲地者覽焉茲役也肇于辛卯歲季夏其秋博士上南宮再至而始迄功令尹未迄



而去乃功俱可述矣

重建福清縣儒學記

葉向高

邑學之立舊矣其沿革具往籍可攷也嘉靖戊午倭寇內  
訖焚燒學舍文廟堂宇悉爲灰燼嗣是民勞上下俱詘長  
治者逡巡莫之能舉禮噐章程失其序者瀕七十所維時  
陳公仕賢以大中丞縣車里門過故宮廟輒護惜低徊不  
能去乃捐金釀衆鳩工庀材請諸有司重建之經始于甲  
子之春越明年仲春丁祀告成邑人士方脫鋒鏑枹鼓之  
危幸相與躋躋踰踰而駿奔歌舞其中則謂中丞公寔大

福清縣志

卷九

十五

造我將勒石紀厥伐用垂不朽會公捐館舍愴然中輟迄  
今又瀕四十年所而學宮重修業已謬屬余不佞記之諸  
生因聚族與語吾曹今丹雘矣誰爲堂構敢于中丞忘頌  
說乎遂謁不佞請復追紀其事石諸學宮之傍不佞高竊  
覩斯文離合之大數而深歎公之功在吾黨大矣夫秦之  
所爲不道也則燔書最烈五季之蹂踐中原也而士氣大  
傷蓋合天下而言斯文離阨之衝母喻于此者漢承秦表  
章六經史稱得人爲盛閩時方有樓船下瀨之役無司馬  
相如王褒之流爲之喻俗而講德箐叢阻險不列于職方



至于建武且墟其地蓋海內皆離秦之苦而閩獨未蒙漢之化文教闕矣至宋承五代休明祚開濊洛關西續綫肇緒而吾鄉以山陬海國比隆東土昭融潤色抵今遵其業不廢蓋海內皆蒙宋之化而閩獨得宋之宗洪濛以來于斯爲盛然而吾邑僻處海濱聲教雖敷而儀章未備官府規模因循固陋絃誦樂育之區幾乎附贅至嘉祐間邑人游冠卿乃輸地爲學宮十年衣冠之所自始跡其膠合附離寢明寢昌之故蓋自中原而之閩自閩而之吾邑更歷代而後章縫有專業師儒有定居其艱難開創一至于此

福清縣志

卷九

十六

明興詩書之教旁槩四訖邑之鴻儒鉅公後先輩出此亦千載之一時已戊午之變夫非當一大離阨候耶有司謙讓未遑七載于茲可謂久矣中丞公慨然首謀身任其後俾燼者興墟者完廟堂門廡櫺星半壁與夫庖廩廡庫祝祭燕射之噐煥乎一新吾黨日挾策而遊共修其業令毋失墜以力追斯文與海內結軌而馳庶幾國家文明之治無隔闕于下邑非漢宋所敢望則公之挽離爲合扼厄爲興其功倍冠卿十百矧冠卿以提舉本路而公以懸車其難易不尤較然哉傳曰不有廢也孰能興之又曰有其舉



之莫敢廢也公好學躬修居官循良節槩卓然爲世表儀能舉而能興者也邇來重修益增其所未備夫亦不敢廢公權輿而爲之式廓焉爾公興學後若干年而沒以行業俎豆學宮於乎使瞽宗之祀皆如公諸生求爾鄉有餘師矣矧又公之功在諸生哉是後也所費若干公首輸其百力請官帑率士庶以協厥成董護其事則公子世良世良之友郭造卿也皆一時明經高第例得書

福清縣新建文昌閣記

葉向高

今章縫家多祠文昌以爲天曹桂籍惟神攸司欲乞靈以

福清縣志

卷九

十七

階通顯蓋在在有之而吾邑尙闕屬四明鄔侯來有繕成之役撤舊樓得美材焉曰是可因也相地于癸方得高丘焉山脉蜿蜒而鑿于徃歲曰是可復也令典在一方其將爲邦人圖厥事乃壘土厚基伐石爲垣崇以高閣丹雘塗聖畫飾備規言言翼翼奉神以居而顏其門曰躍龍岡表地脉且兆利見也閣高數仞登之則玉屏如展旌馬如揖黃縑紫雲及海上諸山羅列環繞如展旗如疊幃如嚴城周廬儼乎帝居怡心暢目邑之形勝視昔大增矣父老諸生歡聚告語事有時舉運有待興異日者葺爾山城頻頽



令長若不獲寧皇修其闕今天惠仁侯奠我攸宇彝典既修誕及茲闈造我髦士我其敢忘則謂不佞典在文章可無言以紀其盛余按天官書文昌六星在北斗魁前天之六府其占與三公同未聞有神而爲之者世所傳九十七化龍漢鸞臺之事其有無不可知且慎修言行祿在其中經德不同行法俟命天爵人爵之論何媿媿也吾儒干祿莫經乎是何神之爲要以神道設教輔于皇極今觀化書所紀梓潼變現一以忠孝爲本累劫積修始超三界所以攝誘群生靈應禍福者曷嘗不惟經德言行是視豈苟焉

福清縣志

卷九

十八

而已哉無神則已有必佑善其不扶勦凶德以玷冠裳也明矣由此言之孔孟之理顯而正文昌之化陰而神顯或易玩正或難從陰而神者雖有無不可知而能攝人祈嚮之心使之頊然矍然欣欣然入于其中而不自覺是爲陰助名教而擊其從者然則侯之此後夫豈惟其神之爲是亦侯之所以爲教也邑人士念此必且飭躬勵行一意修業赫若帝臨而凜奉侯訓斗魁兩兩之闕必有黃潤之氣歷紫薇經陰德爛然文昌之次吾邑人文應之矣閣共若干楹左右爲耳房前爲迴廊因舊材僅十之一費且千緡



所請官錢及輸助不能足多侯捐俸成之經始于萬曆壬寅年五月以其秋落成侯自紀其事推功于前令指不佞謂不可沒其實也故直書之侯浙奉化人諱元會號平階乙未進士在邑愛民恤士兩暘祈禱無不嚮應神實鑒之其建寅賓館南北壇修預備倉造漁溪宏路二橋皆久廢莫任者若修城役尤鉅則不佞別有記

福清重建聖蹟寺祝聖道場記 葉向高

聖蹟寺創于唐天成間志稱老僧見有持淨瓶汲井者掘之得石佛故稱聖蹟也至宋宣和間益加宏敞堂廡咸飭

後奉浮屠前爲祝聖道場我明正統初復于寺側建方丈以居緇流因闢地得石碣大書萬壽山蓋取祝釐之意寺久圯廢弘治間邑令吳侯崇嶽况侯璟相繼葺治又百餘年羅侯萬程稍補苴之亡何復壞每歲時聖節官吏師生設綿蕝其下咸惴惴懼不能成禮屢欲新之而以力詘不任因循日久令尹番禺王侯蒞政未幾百廢俱興復祥符之陂以興水利繕城南之橋以兌病涉完雉堞濬城濠葺郵傳新廩庾四封之內赫然改觀顧瞻茲寺咨嗟太息曰臣子呼嵩獻壽之區非他叢林所可擬及今不飭將委



大禮于草莽乎乃捐俸數十金爲倡謂民間有力者皆來  
輸助采石于海伐巨木于山諸陶埏瓦甃聖之具莫不精好  
中爲大堂顏曰祝聖道場前爲重門顏曰萬壽山曰聖蹟  
禪林翼以兩廡規制宏麗大倍昔時經始于萬曆戊午之  
初夏至季冬乃落成而侯以催科政拙去矣父老輩相顧  
而歎茲後也不煩官不病民以數十年莫肯任莫敢任之  
事成于一旦微微惠于賢令何以有此吾聞之居者逸而  
作者勞當勒之金石以垂來許因相率請于余余觀人世  
吏道以逢迎粉飾爲工卽官舍且遽廬視之何況其他侯  
諸所興作率不憚勞費爲民興利而茲後王于尊君尤禮  
之大者見其禮而知其政侯敷政豈弟先德禮而後刑罰  
真足爲民父母去而人彌思之使其不去其設施當不止  
此要有能知侯者此亦足以觀矣侯名命卿別號匪蓼癸  
丑進士督役者爲耆民某經費共五百四十金

福清縣重修城隍廟記

葉向高

城隍之祀非古也然近世舉之我國家循而行之蓋幽明  
人鬼之際各有攸司往牒所稱靈爽赫奕未可以渺茫無  
而忽之也故凡有民社寄者雖曰先成民而後致力于



神然未有慢神而不虐民者吾邑城隍廟創自宋康定間人明而况侯璟陸侯從大羅侯向辰葉侯夢熊先後修葺皆賢令也更今數十年又復頽圯歲已未霑雨爲災毀城垣沒廬舍併及城隍屬王侯自崇安以治行尤異移令吾邑抵任未幾顧瞻廟貌慨然曰是惟令事曷敢緩圖時方有遼役公私俱困無所得貲余謂當勸邑之有力者使輸助侯戚然曰是惟令事曷敢煩民乃卜日鳩工計徒庸料木石埏埴陶甃皆手自課較一切經費悉出自侯邑人若不聞自堂皇以至門廡補殘易朽椽桶咸新又更剏後寢

福清縣志

卷九

廿一

噦噦沉沉視舊加闕旣成值歲旱苗將就枯侯甚憂之乃齋沐徒步禱于神徧諸秩祀莫或不虔更數日未雨復自邑庭至祠壇五步一拜揮汗烈日中官師士民畢從困憊不支侯無倦色其夜油雲忽起雨集于郊漸及四封莫不沾及潤稿而蘇易歛爲穰闔邑歡呼咸拜明貺相與作爲歌謠以頌述其事諸三老之有事于廟者復來告余自昔有興作必垂示來許况城隍載在祀典禮莫大焉廟成而侯禱禱而雨降捷如鼓桴亦吾邑千百年之奇事也于其志之余曰侯之禱虔矣神之澤溥矣其感通之機又有不



徒在于茲役者夫神聰明正直以利民爲心者也民之神  
福利害令實操之使令之惠澤慈愛不及于民卽隆其祠  
宇豐其俎豆日行百拜以邀福于神其誰聽之侯滿腔惻  
隱敷政優優囊如水室如水庭如春臺四境如煦冬日卽  
逋賦之徵佚道之使亦愀然動容怵然欲止其愛民至矣  
詩云豈弟君子神所勞矣侯之所以能通靈爽而大庇民  
若是速者蓋在此歟余姑記此以復三老俾石諸廟庶後  
之司牧者得有考焉侯名政新號闇生丹徒人丙辰進士

### 福清四城門記

明林

俊

右副都御  
史莆田人

### 福清縣志

卷九

廿二

福清四城門成者民群相率來雲莊請記按縣本長樂割  
地名萬安名福唐又名永昌福清今名也吻海背江風潮  
簸鬻山童乏林木石離離骨豎人鍾之忠特奇峭其次亦  
凝毅自立縣舊無城郭賈湖之舟東薄則狼顧鹿駭鼠以  
窟當道者憂之且城之材鉅而力詘也且門之須而城舉  
焉而令政弗肅役者玩沒公費私之工弗墜正德癸丑上  
虞朱侯朝章以左官來知是縣牛刀鷄割風疾而草以靡  
燭照之而陰無所伏弊孔呈現費復而門程工垣屬爲固  
崇其樓采章之納遠景而騁遙矚有戒棲禦兵焉因地命



名其東曰文興西曰雙旌南曰龍江北曰玉屏萃然嶽立  
矗若雲連觀政者以爲知務有造始倡導之功焉夫國無  
大小善守者全易設險取諸坎重門取諸豫而良爲節慎  
出入門闕所以垂先事之防者如此汴之東西水門昌黎  
子以閉寇偷固風氣宣布君上之文武歸隴西公之功然  
則侯之四門其不可深紀耶抑善治者以得民心爲本畫  
地而守金湯無足爲固民之心皆城也一或攜貳雖鉄扇  
石樞嚴門重閉將折樊而入無難者故曰在德不在險侯  
才望特絕外至而來固日月寓于福也猶畢志縣人垂無  
之蹟又無足言者矣

福清縣志

卷九

廿三

福清縣城記

明陳仕賢

副都御史

閩八郡東南徂海外控乎倭福清濱海爲邑舟上下廣浙  
群不逞憑之出沒固要害之地也邑雖未始有城然曲防  
盡制守在四境迨後海備浸弛賊艘俟間輒入我曹無一  
塹之限虞患于微識者隱憂正德癸酉邑令朱侯衮營四  
門北曰玉屏南曰龍江東曰文興西曰雙旌顧時詘而城



未及也嘉靖壬午浙寇旣猖閩壤爲震大中丞王公忤奉  
璽書撫臨經畧折衝威行遠邇乃詢利病飭儆備謀于巡  
臺侍御趙公孔昭曰捍外衛內莫先城守其亟城諸濱海  
未城邑便趙公念民已勞矣不可重以費計資之公帑于  
是左方伯劉公案僉憲汪公泊憲副卜公大同郡守翁公  
五倫調度處給載臨規畫驛聞于朝而城舉焉維時福清  
邑簿吳君璠署篆事奉命經度衆慮未一會稽鈕侯緯以  
臺諫夙望轉令茲邑至則毅然身任之乃屬耆老諭以諸  
上臺德意按籍分庸募工授直簡邑之官練而良者分董  
之時躬督而賞罰焉衆工競勸百堵偕作周城凡九百八  
十餘丈基厚十有二尺崇十有八尺東臨田者加隆之水  
關二窩舖二十內外藉以夾道樓櫓雉堞翼翼將將屹然  
一方巨鎮矣經始于甲寅春三月迄十月告成爲費帑金  
一萬四千百十有奇邑之士民僉曰城以後民民是用保  
後有均矣財出于公而民罔費工均其役而民忘勞政有  
紀矣是謂賢者所興吾融其永孚于休歟乃從而胥慶于  
侯侯曰聖天子之賜當道諸公之力也吾共命焉已於是  
相與頌曰城之興偕作百堵桑土徹兮未陰雨城之成爰



得我所今此民兮孰敢侮諸君子兮勲德千古謂其可以  
樂成信夫吾邑因陋千百餘年一旦舉而城之以爲吾閩  
捍蔽固諸公伊濯之功然非侯之肅肅賢勞孚于上下又  
何以不擾而集不亟而成也哉夫城廓爲固設險大端修  
政和民不忘倣備體險之大用也兔置之于城晉侯之保  
障昔談尙之善治者不徒恃其城而思圖其本則地利人  
和外侮自息斯城于融不其永賴無疆耶是役也邑丞某  
簿某尉暨學博某咸與贊相樂觀厥成乃申士民之情請  
紀厥功以永憲于石以屬余余邑人也謹述始末用告嗣  
守者尙圖體險以消患于未萌云

福清縣志

卷九

廿五

福清縣闢城記

葉向高

福清爲縣自唐聖曆二年割長樂縣南八鄉始置時稱萬  
安從鄉名也至閩龍啓元年始名福清元州之明復爲縣  
而俱無城嘉靖甲寅以倭寇毒閩蔓延濱海四郡福清內  
蔽三山而外迨莆陽泉漳實綰輻重地倭所出沒始議城  
時師環其疆倉皇畢事北傳高山山西跨岡巒而東迫陵阜  
賊登阜而攻若對壘焉從東望西周垣畢覩我之戍守虛  
寶陵若列眉而最害在北戊午之變賊據北山俯而瞰城



每發輒斃守堞之士披靡奔潰無有以一矢加遺日未幾  
晷萬室蕩然論者咸爲城咎亟欲議更頃之倭創歸城遂  
如故迄今三十餘年而莫任其事前令廣昌羅侯清遠歐  
陽侯先後爲牘言城失險狀俱報罷歲壬辰倭肆虐朝鮮  
海上戒嚴邑父老諸生群走請當道下其議屬領邑事者  
譏讓未遑無何丁侯自德化徙令是邦侯嘗讀前令牘業  
爲扼腕下車首倡循城慨然三嘆茲城之不更卽一旦有  
急令何以從邑子弟立睨睨間往事之不忘其安能晏然  
乎此土也父老諸生頓首願受畫侯乃陳便宜甚具以請

俱報可屬以募卒增餉造舩艘公帑大詘乃令民以丁畝  
輸金召父老之幹立者董事闢城跨北山而臺其上移西  
城山之半包岡縈澗縮東城避阜爲臺以當敵衝四門益  
以月城一新諸樓櫓蔽堵窪垣咸有增築經始于癸巳初  
春入夏而告成事金湯屹如實父老相勸趨役而侯固日  
夕拊循却益徒行暴烈日中版築奔走雲集子來城成而  
侯者詭以爲神侯乃悉稽城垣經費其所某役受金若干  
條分纖悉無漏籍而報諸當道榜通衢以示民物情大孚  
父老固已心德侯又念其勞苦功高相與謀爲祠祠侯侯



九辭謝則相率造不佞謂是役也實邑萬年之伐太史宜紀其事以詔來茲余惟任事之難昔人所嘆病在處堂偷安築舍撓議慮之者不審而聽之者易淆往往無窮之業以小利害隳矣然皆其禍福未形是非方隱非抱獨知之弊者難以從事未有如邑城之失險受禍往轍昭章耳目所睹記無俟縣斷而豫卜者也乃猶或懷承平之安以不腆敝賦勤君侯之焦思則吾邦人愧矣昔高皇帝既定天下其經畫濱海獨詳閩自列郡外置衛者四融居一焉而翼之以萬安所夫寧重福清誠重閩也福清完而三山之福清縣志

卷九

廿七

屏樹閩南之道通淵乎神謨此所謂見萬里之外歟然則君侯之功寧下邑是賴卽閩百世祀可矣茲役也臺使者監司咸贊其議而太守山陰何公爲尤力詳具薛觀察所爲記中計移舊城四百餘丈增新城二百丈並月城臺樓及修築諸費共徵編戶六千七百餘金莫有逋者督役則邑丞某効勞則耆民某等七十餘人侯南昌人名永祚別號見白豈弟明敏卓然循吏尤能任事加意興除此其大者云

福清縣新建橋塔記

葉向高



邑故有龍首橋與南門相直形家以爲病先少師公常欲移之而力不能其後父老諸生成言其不便相與請于邑令凌侯醜金鳩工移橋于東南建塔江滸構梵宇其前與橋相屬于是水口完密風氣益固塔計高十三丈五尺爲級者七精工雄麗爲宇內浮屠所僅見卜基之日五色雲自太保山來覆其上爛熳輝映萬衆歡呼得未曾有橋長以丈計者五十有五廣以尺計十有五醜水之門十有九寺前臨江累石爲址後爲大士閣甚宏壯木石人徒之費爲金以兩計者七千餘皆邑人樂輸凌侯與後令汪侯寔

綱紀之其倡議鳩工則吾兒成學父老林思諫張志達劉前夏有知等凡四十人僇力經營拮据從事先後垂十載始畢工余兒沒矣父老復思而祠之且相率來請于余曰茲大役也不可無記余往在綸扉曾聞此議心竊以爲難茲歸而幸觀厥成詢之輿情又無不忻躍此殆山川之靈與千百年之氣運萃于一時故能襄此盛舉而非士民好義諸父老之勤勞何以克濟真吾邑不世之伐不容泯泯者因稍次之以告來許役始于萬曆三十四年丁未之季冬竣于四十三年乙卯之孟秋塔名瑞雲徵祥也寺從之



仍名龍首示不忘舊且有雲龍之思焉凌侯名漢狎甲辰進士長洲人汪侯名泗論庚戌進士休寧人皆有惠政邑人合祀之爲兩侯祠石工則李邦達

福清縣復祥符陂記

明鄭善夫

員外郎

嘉靖元年春正月福清縣復築祥符陂夏四月陂成始興水利也閩八郡其四徯海民之半鹽魚以生福清土益鹵海益患其田下下不蕃粟稷而蕃人故四人外恒給十之七八焉宋祥符中令郎簡相土可田者得五十頃而餘相水可瀦者得三十里而餘於是乎䟽請截江而堤廢民居

福清縣志

卷九

廿九

百浚達而渠之引源于石湖之嶺導而界江瀦奔殺悍東抵于旗西臨于玉融南循于五馬北極于玉屏之隩所跨遵義永福永東西文興凡五區轉瘠卸鹵田化而上以始自祥符故曰祥符陂蓋噩乎其浸也洪武二十三年陂決文興潮殺稼越正統七年邑丞陸忠復之正德十三年陂決決南臺大娘垠潮復殺稼民至是大敞明年海虞陳侯迨來又二年下令于邑中曰余爾牧也恐視爾敞敞今與爾復而陂以簿楊俊受稽畫曰而往監之凡田頃出十夫十頃出百夫約畝受力駢力宣勤沉以巨衝實以砂黃由是



荷棟執畚四人雲至量日齊工乃湮乃防田峻報程餼夫  
走餉甫三月而告成績由是變腴敷膏侯氣執成江有恒  
流歲遂大有繼自今卽有災嘯罔攸患由是鰥老黃孺呼  
忭歡躍舉曰陂之悠悠樂且有秋微侯之載齊民其無瘳  
由是某某來致衆情請永憲于石水利禪荒政者也程伯  
子之上元朱晦翁之浙東塞決堤起涇堰古則王政也而  
時慢之侯今之舉無軼代論世哉侯起甲科令海邑毅斷  
神察大宜厥官此其政之一也余知侯故樂敘其績云

重修天寶陂記

葉向高

吾邑濱海土田瘠薄又鮮泉源灌溉之利雨暘一不時苗  
立稿矣惟西南有陂名天寶水自仙遊而來歷清源善福  
達新寧仁壽二里沃田數千頃宋元符間郎公簡修之故  
又名元符陂其後屢圯屢築萬曆己丑則耆民周大勳奉  
邑令歐陽侯之命甃西陳石圳二百餘丈農民賴之抵今  
將三十載值今歲淫雨復有頽壞適王侯來蒞邑咨諏民  
瘼知茲陂爲邑大利病詢于衆孰可任厥事僉曰故壩長  
大勳子文遴篤誠勤幹習于水利令之董役必能底績侯  
忻然進而命之文遴條上方畧咸當侯意遂使鳩工下令



有湮圳決防梗法便私不輸錢服役者悉治以罪人心震  
然侯又修俸爲資役者競勸其最要害如西陳溝頭濱江  
海墪尤所加意水利悉復歲不能災五洋二十五墩數萬  
人咸被其澤頌侯明德無以爲報余觀自古循吏爲民造  
命莫不以導水興利爲第一義而吾邑以頻年無歲租賦  
之不時以爲長吏憂吾儕邦人其亦有餘慙焉今幸邀惠  
于侯舉數千頃之田旱澇無虞其亦相勸于惟正之供俾  
侯不以催科見督是乃所以報侯也而周君父子先後有  
勞于茲陂亦可謂爲義修事者侯名命卿粵番禺人癸丑

福清縣志

卷九

冊一

進士

一拂先生祠記

葉向高

一拂先生者宋熙寧中上流民圖鄭公俠也罷官歸只餘  
一拂故稱一拂先生嘉定中易先生名爲介今祠名仍稱  
一拂者以此邦人習焉不欲改也余惟先生聲名在天壤  
忠義在天壤忠義在簡編魂魄在名山俎豆在郡國千秋  
無斁烏用辭已取先生傳及謚議讀之嘆曰嗟夫世之淺  
窺乎先生也彼以流民一圖爲先生重耳夫先生力拒權  
相之招至滔以美官而不顧屢觸群奸之怒至中以危禍



而不辭汲汲皇皇爲萬姓請命此其人豈僅以忼慨敢言  
自表見者銀臺之疏一上人主至感嘆咨嗟徬徨不寐舉  
其平日君臣間日夜講求以爲振古之事業一旦而幾于  
盡格是時元老大臣如富韓諸公力爭而不得而先生以  
監門小吏乃能得之其精誠力量爲何如乎先生一爭于  
安石而僥勝再爭于惠卿輩而遂不悟新法之行而罷罷  
而復行先生之竄而歸歸而復竄以卒成元豐紹聖之禍  
焉此天也非先生之所能爲也吾讀先生前後疏語皆忠  
憤激烈至于用兵之利害群小之奸欺反覆開陳無所顧

福清縣志

卷九

卅二

忌千載而下猶足酸鼻宜其足以感人主之心而動其聽  
使世之臣人者皆如先生天下豈有不可爲之事哉先生  
之志雖售而精忠勁節已足暴于天下萬世無所復憾獨  
惜元祐彙征之時僅以廣文一秩置先生于遠郡而無能  
推轂同升以究先生之用則司馬諸賢亦有不得辭其責  
者後之議先生謚曰介然特立于衆小人之中猶可及  
也介然特立于衆君子之中不可及也斯其爲知先生矣

一拂先生祠錄

明董應舉

萬曆戊戌  
進士侍郎

董生應舉伏讀先生祠錄作而嘆曰嗟夫此介甫呂平甫



諸人所極力擠抑欲置之死元祐諸君子所心賢而未敢  
輒援者今乃令人景慕至此哉予嘗反覆公傳詳其始末  
公之卓然招麾不動志士或能之獨其結忠致命期于必  
濟當九閹不通之日觸禁行權擅發馬通竟能危動主聽  
轉旱爲霖使人不知所從入是爲竒耳造次一疏遂關宋  
室興亡三百年來鮮有其比卽唐子方鄒志完號稱敢言  
其言僅止于宮闈以公視之特猶劍首之一映至若劉向  
屈平劓奸傷亂言含慟痛見若著龜非不有關宗社而入  
之無術徒鬱而自慚由是觀之不特大節耿著其識力才

術固足以當天下之所難而爲其所不敢是夫子所謂剛  
而可與權者而當時以爲狂斥去之其知者以爲介以爲  
合于殺身成仁難進易退之說竟無有知公之關係社稷  
者非獨介甫不知卽司馬公亦不知之非獨司馬公不知  
卽東坡亦未必知之蓋至紹聖決裂靖康播遷公言一一  
皆驗而公始見矣使當時盡用公卽不必有元祐使元祐  
得公爲助亦何至調停而竟遺後患乎此志士所以拊膺  
長嘆也其後百年至嘉定人始爲公易名祠建于金陵又  
四百餘年而祠始復公之精神氣象與其讀書之景山



寂歷夙夜流觴皆赫若目前臨風撫咏猶足起懦興頑使人追想而不能已東望半山已烟消雲散不可復道矣嗟夫世之所恃固在此不在彼也

邑立介公祠未有記此一拂先生祠乃金陵清涼寺先生從父監稅江寧讀書于此後人卽其地祠焉葉文忠董司空二文皆載金陵祠錄中錄之于此以見介公之在吾鄉其忠乘不可沒而兩先生闡揚鴻文均足並垂不朽云

忠烈祠記

葉向高

福清縣志

卷九

卅四

忠烈祠者祀宋招撫使劉仝祖與其妻林氏及林氏之兄處士同也景炎之季宋室播遷越在南海招撫以國子丞家居與處士念世爲宋臣圖所以報宋未幾事敗處士盛服坐堂上嚙指血題詩于壁而歿語具忠義集及八閩志中招撫敗遂自經有司執林氏詰反狀林恚而叱曰吾夫吾兄以歿報國何言反乎血詩尚存汝不知耶遂遇害時林劉子孫僅存如綫入明而其事已更百餘年稍以湮沒又更二百餘年而至隆萬之間劉之裔孫宗獻乃鳴其事于邑令南陵許公以聞于學使者永豐宋公開府桂林



公博稽故實甚核而章乃檄邑爲特祠以祀業有成畫而直指南昌劉良弼獨格其議屬宋公徙官而吳興徐公攝學事持前議甚力直指無以難乃報可然猶責祠費于其家不復給官緡劉之子孫乃請邑令擇地于城東山亭堂之左而建祠焉樹棹楔于其前額曰忠烈祠祠成而父老人士之稍知故實者咸咨嗟瞻拜嘆忠義之在天地間更歷代而不可泯滅如此邑令春秋致祭俱如儀無敢闕怠至後令乃弗躬而葺郡乘者至訛林氏于永福劉之諸生繼忠力白而正之而請邑人郭建初爲紀其畧建初博物

君子其論次甚辨且謂不佞高汝爲史官搜舉古今之奇節逸行母令沉晦不章固汝事也柰何於里閭而失之汝宜爲之記不佞槩觀史傳忠臣義士不稱乏矣乃世獨艷稱文信國之忠揭而與穹壤並垂今處士兄妹之慷慨捐軀大義皎然何慚信國乃信國以元宰處士以布衣林又女流斯愈難而奇矣永豐以招撫處士之忠節得林而後顯當矣又責其倉皇舉事方試輒敗其持論似輕非吳興之表章則直指說伸俎豆闕矣忠而不食遠而遂淪責于誰諉不佞益過燕市而徘徊信國祠下爲文以吊悲信國



之忠乃招撫事烜灼若是沉淪三百餘年而猶關甲乙之口至于羣議難奪且復靳官府之贏餘使忠臣之後獨任其勞失國家所以褒忠勸俗之意則豈非久近之世殊而與幽之情異哉桂林吳興于是乎有秉彝矣天之報忠臣終不爽也余甚傷忠義之晦而復爲之幸因紀其始末令爲劉喬者勒之石以垂無窮且爲吾邑重若其世家源流與紀載參商微相牴牾則有郭先生之籍在足傳信無疑茲不論

少保南塘戚公祠記

明王一言

嘉靖乙未進士

福清縣志

卷九

卅六

天建非常之功者必有宏大之本垂不朽之名者根于充養之實古之君子出而爲文武之憲退而爲孝友之敦其道一而已矣我國家承平日久乃今卦氣入咸之九三正當儲戎噐以戒不虞之時東南頃歲多事南塘戚公啣命仗鉞自浙及閩以八月七日兵抵福寧橫嶼橫嶼之賊窠據者二年公以至之二日一鼓而盡殲之卽念九日兵抵福清福清之賊窠徒興泉之間者三年公以至之四日一鼓而殲其半其西南以他兵弗備而突其半方圖追蕩之計可刻期定矣倭患自元世祖不能服恃其刀力出沒水



相國葉文忠公碑記

明林欲楫

大宗伯  
溫陵人

師元輔葉文忠公天人也輔相三朝今上登極首詢師有召用意而師不作矣訃聞震悼贈太師予祭葬備極優渥上方慎重易名不輕一字輔臣兩擬以請特予文忠中外翕然稱無愧焉師諱向高字進卿別號臺山萬曆己卯舉于鄉癸未成進士選庶吉士散館授編修未幾副成均兩年轉中允丁酉副典南畿試歷諭德庶子元子出閣充侍班官師長髯于風來拂拂動皇太子喜私告中貴曰此飛髯先生也已亥陞南禮部侍郎與推閣員尋爲南少宰

福清縣志

卷九

卅八

江夏郭公正域與四明沈公一貫有郗妖書事起郭危甚師貽書規切四明沈銜之以是在南久不調丁未拜禮部尙書東閣大學士維時同拜者三人而東阿山陰相繼乘箕太倉堅卧不出吾鄉李文節公亦以煩言去位而師始獨相矣神皇帝深居久官府阻隔事多留中師隨事補牘疏揭或數十上久之上登師忠誠倚毘綦篤而師彌殫其心力知無不言乃其最大且難者尤在國本福王上愛子也有匹嫡之疑師竭誠調護不令外知先是光廟生母王貴妃薨師擬旨喪葬務從優厚妄男子王曰乾使人告



言鄭貴妃福王欲動搖東宮師聞之慮此疏一窮竟中外紛擾密具揭謂貴妃賢明福王賢孝臣萬萬保無他奸人所爲當靜處之勿爲所動以揭付內臣曰上問方進上初覽曰乾疏震怒拍案左右辟易良久沉吟曰此大事閣下何以無言左右以師揭進天顏頓和緘疏不開次日復微問疏當批發否師復密勸上無發發則上驚聖母下怖東宮卽皇貴妃與福王皆不自安唯留中勿宣布其奸徒俟別疏批治之上悉聽師言官府晏然福王久不之國師引景王留邸皇考危疑爲戒且言礦稅之行欲竭天下膏脂

以予福王語甚危激上爲剖析明無他師復言莊田一事外議謂王借此題目以緩之國願早定日期師屢求去上欲慰師勉俞之尋傳諭謂聖母稀齡欲留王上壽師封還諭旨謂上壽聖母而實留王人謂皇上孝事慈母之盛心乃矐留愛子之私計上徘徊嘆息次日如師請定以明春福王所請莊田四萬頃疏減其一又勸王辭其一皇貴妃遣人來言曰先生全力爲東朝願分少許惠福王師正色曰此正全力爲王處皇上春秋高越此寵眷時啓行官士如山之積恣王所欲若時移勢改恐額外絲毫難得



年口語可畏一行水釋且得賢聲老臣爲王何所不至皇  
貴妃感悟乃聽王行是舉也不動聲色而措國本于泰山  
之安諸所納牘未易縷舉內旨嚴催戶部買辦二十萬及  
續派織造龍袍四萬段師力爭罷之畿輔災師備述百姓  
流離狀請發帑賑濟上爲出帑金五萬米十萬石聖母亦  
賑金十萬宮中各出剩資佐之各省以水旱告師請無留  
二季稅銀分賑悉允行礦稅四出民不堪命而高淮高竊  
尤甚上以師疏撤回准宗罪之先後忤璫被逮者賴師婉  
解皆從寬貸楚宗室得罪已伏法六人其餘幽繫高墻五

十人困苦不堪師爲請不得甲寅聖母崩乃於撰遺誥中  
行之並得赦免考選科道久寢不報師以去就爭上不得  
已允其疏他如點閣員補大僚停礦稅發邊餉催南北計  
典諸疏大小臣工所交請不能得者多爲師勉從卽或不  
盡俞亦必溫諭再三每有賜賚勉師祇受曰其以成我君  
臣相得之美師何以得此于上哉師自登政府卽拜疏自  
矢無管身肥家狗私罔上無以成心違衆以勝心敗群以  
黨心植交以患得患失心固位先資之言可質鬼神一也  
才情敏妙言辭敷暢或時中官立待回奏師口占授書



覆詳盡卽人主讀之亦爲心開二也款款樸忠入告之議未嘗輕洩間有密傳奉行爲朝議所非不難爲上引咎上每告近侍此閣下未嘗欺我一言壞我一事三也休休大度廉公無私獨相七年未嘗害一人未嘗受人金錢向六曹請一事四也唯是明主忠言易入廷臣意見難消門戶橫生排擊遞加上雖眷師而師以盈滿爲慮前後求去六十餘疏上知不可留乃俞師歸瀕行恩禮優渥歸家亟賜存問子廕及孫時時眷念及張差挺擊嘆曰葉閣老在必無此其見思如此神皇旣崩光廟嗣祚在潛邸日每日我

福清縣志

卷九

四一

有大恩人未報卽位數日手詔召師將虛已以聽而鼎成奄忽天之未欲平治天下也師感兩朝知遇矢竭股肱以報烹廟入謁二陵悲思感涕賦詩十二章以獻上嘉嘆付史館時四方多事軍機旁午師應機如流動中寤會魏瑞進忠有寵于上賜名忠賢巧黠譖王安殺之師言王安于先帝實有功大拂瑞意時瑞羽翼已成外庭稍有觸迂輒遭譴逐大僚則司空鍾羽正宗伯盛以弘少卿高攀龍等言官則給事章允儒御史帥衆夏之令主事劉宗周等或擬廷杖或擬褫職又欲毀講學書院逐鄒公元標馮公



吾師反覆申救甚苦璫雖稍戢然虎視尙耽歎人汪文直  
故以機警得幸王安安歿避揚州改名再入爲制勅中書  
會事敗詞連太宰趙南星僉院左光斗都諫魏大中忠賢  
欲除文言又欲盡傾大中等以師申救尙未發第杖文言  
而釋之副都楊捷列忠賢二十四大罪九卿科道連章繼  
上請誅忠賢上切責言官欲逮繫爲首者師立救解且言  
昔中官暴橫無過汪直劉瑾閣臣如商輅劉健謝遷只有  
一去李東陽之隱忍焦芳之貪戀遂千古遺譏臣雖不才  
自處已審忠賢不悅御史林汝翁嘗責內使璫入恨之傳

言廷杖陰聚其黨持鉄鎚待御史御史亡去傳匿師所忠  
賢遂借以窘師師具揭自明上慰師而盡收中官師移家  
城外再疏乞休金前共七十餘疏始允歸陞辭勸上寡慾  
養身勤政講學上亦爲勸容歸里憂心如焚遂成羸病于  
天啓七年八月念九日卒蓋去熹廟賓天之期相隔五日  
耳不佞禔愚不足以知師然竊窺師于三朝之際政如良  
醫之視疾所療極難在神廟時上下相持如人病瘡師在  
之王于委曲開導使真血脉流通雖有小闕無傷元氣故  
神廟亦甚感師謂善處人父子兄弟間熹廟之時迺璫



柄如人病癰師從中調劑自有妙用如良醫先殺其毒而徐投刀圭乃當時快于一決致內潰不可收拾亦國運之一厄也顧說者或以一味調停爲師詎病夫時局之弊深矣閣權旣輕不足以彈壓群囂惟虛惟平可以調物情而維國是竟師在事士大夫出入安穩如坐平波誰之庇也師嘗言宋世之黨如元祐皆真君子熙豐皆真小人故調停之說不可用若今日則彼此各有君子各有小人但當去其小人用其君子勿問其爲何黨乃爲蕩平之道不佞楫蓋有味乎其言至處魏璫一片苦心又有他人俱不及

知而楫獨知之者方楊大洪疏上時師乘間語楫楫曰夫去大奸者當留尺寸地使之有所容乃不反噬今驟以滅族之罪加之彼豈肯安心就誅困獸猶鬪况君側之罪乎師曰吾意亦如此忠賢雖不識字機智更深今臺省交章激必生變吾欲密誘之俾出私宅待罪彼在上前日夜祈哀故得行其計一出私宅其黨必有相圖者治之一獄吏足矣聞忠賢初亦有待罪意而以南北持之急從其黨李永貞之計遂肆毒于士類嗚呼成天下之事者果不在激也當日不諒者謂師憚璫不肯助大洪師如啞子吞苦不



敢自白也曰今日誠難與諸公角喙他日高皇天御闈  
冥校我可暢言諸公悔失言矣師坦直夷易不以城府待  
士大夫家居布衣徒步與田夫樵叟相應答如响愛福廬  
之勝捐貲卜築往來其間觴咏甚奕蕭然神仙中人爲文  
如蘇長公意到腕隨悉暢胸中之所欲言詩似王摩詰書  
翰一札十行晃如雲流所著有蒼霞集續草餘草綸扉奏  
草尺牘讀史隨筆詩則紀遊小草賜歸凡三篇行世銘曰  
福唐之山天馬蜿蜒篤生名世轉日虞淵奏籍金閨橫  
經抽史羹髯飄然東朝色喜佐銓典禮雍容陪都十年

薪積爲友集枯乃穆師言迺升揆路公權素風文穆雅  
度神皇靜攝官府九閭惟師納牖霍如披雲國本危疑  
一誠默結羽翼已成不動聲色獨相七年几几赤舄致  
政歸來野老爭席光皇求舊絳車遄徵鼎成奄忽洒淚  
二陵再入綸扉中外多故手拮口瘠力扶國步房謀杜  
斷合爲一人百函競發應機若神天未厭禍內癘倏伏  
師如良醫徐殺其毒彼壯于煩快心一擊竟遭反噬尤  
師不力師所鬯言閻羅之前更誰知者神考在天聖主  
龍飛堯天再旦寤寐良弼思公三嘆嗟師一身繫國



危九原可作吾師與歸乘箕者說降嶽維申百爾君君  
視此貞珉

福清縣志卷九終

福清縣志

卷九



重修福清縣 聖廟紀事

郭文祥 庚辰進士

吾融廟學自宋嘉祐中游公冠卿輸地鼎建明嘉靖間燬於倭大中丞陳公仕賢捐金重建之詳在葉文忠公記中可考也嗣是修葺五次各有碑記足垂永遠代更歲久風雨飄搖殿宇傾頽兩廡倒塌時因軍興旁午屢議修未遑也迨白侯以隨征補邑長吏顧瞻廟貌爲咤惜者久之乃於康熙戊午秋鳩工庀材慨然捐俸一百五十金土工半百木則倍之時方草創規制未就而白侯已解任行矣尋爲費艱輟工以待未幾部選鄧侯來治吾邑下車謁廟悚

惕不寧會集紳士議所以鼎新者而倡率難其人也庚申學博黃君始來司鐸毅然任之舉諸生中諳練者力肩其勞清核舊數廣募新輸鄧侯自捐俸五十金又議里長助工六十餘金遂擇於庚申十一月興工先從事于

大成殿凡殿中棟樑椽桷稍損壞者悉更易之殿前亭上增爲屏垣蔭續完固翬飛鳥革煥然改觀東廡則從新蓋造西廡亦倍加修構從祀諸賢偶闕者必補俎豆諸器應備者咸周威儀整肅祀事孔虔譽髦濟濟習禮其間洋洋乎鉅典也外而櫺星門內而戟門及聖道坊亦次第興



既麗且嚴櫺星門外則新砌屏牆暨施丹雘馬名宦鄉賢  
兩祠在戟門左右亦併修葺凡宮牆內外胥烏奕更新矣  
壬戌年七月告竣是役也事雖爲述功則倍創白侯鄧侯  
與黃學博之功洵不可忘擬紀豐功勒諸貞珉計費浩繁  
尙猶有待但經始落成其年月初終及首事効勞諸君均  
不可以無記用是直書之以誌盛事俾後人知所觀感云  
爾白侯諱瑄字獻廷三韓人鄧侯諱獻英字揆菴上元人  
學博黃君諱賜英字上佑晉江人先後所費共樂助九百  
餘金効勞督率三載不倦者則諸生陳元徽陳宗典陳起

綸林文英也省中効勞勸輸不竭者則辛酉科孝廉陳君  
敬求諸生徐夢亨郭騰熙吳光陞郭良弼陳炳哲何菁高  
任之陳枝菁也若鄉賢子姓宣力修祠則諸生趙遜林文  
英魏莊陳忠言陳晉也例得並書事野於人  
康熙壬戌之秋以各款其辛月

壬戌年十月廿一日

兩師



既麗且嚴櫺星門外則新砌屏牆暨施丹雘焉名宦鄉賢  
兩祠在戟門左右亦併修葺凡宮牆內外胥烏奕更新矣  
壬戌年七月告竣是役也事雖爲述功則倍創白侯鄧侯  
與黃學博之功洵不可忘擬紀豐功勒諸貞珉計費浩繁  
尙猶有待但經始落成其年月初終及首事効勞諸君均  
不可以無記用是直書之以誌盛事俾後人知所觀感云  
爾白侯諱瑄字獻廷三韓人鄧侯諱獻英字揆菴上元人  
學博黃君諱賜英字上佑晉江人先後所費共樂助九百  
餘金効勞督率三載不倦者則諸生陳元微陳宗典陳起

福清縣志

卷九

四七

綸林文英也省中効勞勸輸不竭者則辛酉科孝廉陳君  
敬求諸生徐夢亨郭騰熙吳光陞郭良弼陳炳哲何菁高  
任之陳枝菁也若鄉賢子姓宣力修祠則諸生趙遜林文  
英魏莊陳忠言陳晉也例得並書事野於人  
康熙壬戌之秋以各州其辛巳年

壬戌年十月廿七日

兩廡